



Publicaziuns dalla vischnaunca, jamna 14

Lenna da brisch

Damondas per lenna da brisch (sper plaz da lenna Fontanivas ni franco a casa) ein da far *en scret entochen ils 12 d'avrel 2013* agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér.

Uffeci forestal Disentis/Mustér

Corporaziun d'aua Las Fontaunas Mumpé-Medel *Invit alla radunonza generala*

**Sonda, ils 13 d'avrel 2013
allas 20.15 el local la scursalada.**

Tractandas:

1. Elecziun da dumbravuschs
2. Prelecziun ed approbaziun dil protocol dils 28-4-2012
3. Rapport dil president
4. Rendaquen, rapport dils revisurs e dar scarica
5. Elecziuns: cassier, actuar
6. Orientaziun e decisiun pil contract SRG
7. Informaziun dallas lavurs, 2. etapa
8. Regulativ da taxas
9. Program da lavur
10. Varia

La suprastonza

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donnos cun mintga minuta spiarsa pli gronds.

Perquei s'adrebbein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn!
Vos pumpiers Sursassiala



Rimnada da pupi
Venderdis, ils 26-4-2013

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00).

Bien engraziament per Vies agid e sustegn!
Scolas Mustér, Ch. Berger

Radunonza generala dils dretgs e dalla chischada alp Nalps e Tegia-Miez

Sonda, ils 13 d'avrel 2013
allas 20.15 ell'ustria «Cresta», Segnas.

Suenter radunonza vegn offeriu in pign puschegn.

A stedia participaziun envida
la suprastonza

Radunonza generala Las Bagordas

La radunonza generala dalla musica da tscheiver Las Bagordas ha liug **sonda, ils 13 d'avrel 2013** **allas 20.15** ell'ustria «dalla staziun», Mustér.

Cordialmein envida
la suprastonza

La Pro Senectute sepresenta

Cu? Ils 8 d'avrel allas 20.00
Nua? Center Aua Viva a Raveras

Silvio Albin, menader regional dalla Pro Senectute presenta l'instituziun cun tut ils survetschs e dat bugen sclariment sin damondas. Entrada libra.

Cordialmein envida
Pro Senectute ed Uniun samaritana Mustér

Uniun samaritana Mustér

Cuors: Agid d'urgenza tier affons pigns (Notfälle bei Kleinkindern)

Sonda, ils 20 d'avrel 2013, 8.00–12.00/14.00–18.00

Il cuors sedrezza a mummas e babs, tattas e tats ed a tut las personas che han da far cun affons pli pigns ed era pli gronds. Ulteriur sclariment ed annunzias entochen ils 9 d'avrel 2013 tier: Yvonne Flepp, 081 947 50 35

yvonne.flepp@kns.ch



Center sursilvan d'agricultura

*Kuhsignale verstehen (für Milchvieh)
Krankheiten und Störungen frühzeitig erkennen
Siehe unter Surselva.*

Beach Sport Plaun Petschen, Cumpadials

Mira sut Sumvitg.